

SUÑU DI MONTIADUR

AUTOR: Cezalta e Ussumane

ILUSTRASON: SHELL BOOKS







**I tenba un omi ku na
montia paña purku di
matu . Pa kila i rosolvi
koba un koba fundu.**




**Omi ta bai sintaba pertu
di koba i na jubi, duranti
ki tempu, nin un purku di
matu ka pasa la. Son
yagu ku inciba na koba.**




**Un dia, un kacur bin na
passa pertu di koba, su-
ma i teneba sedi di yagu.
Di repent i oja yagu na
koba.**




**Na ki ora, kacur salta
janan i ria dentru di
koba i na bibi yagu.**




**Oca kacur kaba bibi yagu, i
mistiba sai dentru di koba ma l
ka pudi. Salta-salta la toki i
kansa i ka konsigi.**




**Na ki ora purku di matu ciga, i
oja kacur dentru di koba i falal:
"Nta abo li!" " Ke ku bu na fasi
la?"**




**Kacur i fala: "N binba li
pa bin bibi yagu." Pur-
ku di matu puntal: "Es i
bon yagu me?"**




**Kacur falal: "O i sabi dimas". "Es
i bon yagu, bu pudi bin bibi
mbokadiñu."**




**Purku di matu nin i ka
pirdi tempu, i jukuta
rapidu i ria na koba sin
pensa si fonti fundu o i ka
fundu.**



**Logu, kacur i
purveta salta riba
di kosta di purku di
matu.**



**.Purku kuda kuma kacur
na cosal costa, i ria i
dita. kacur salta un
bias, i sai dentru di
koba.**



**Na ki ora i falal: "Obrigadu
manera ku bu tiran di foronta.
Buta fika bu konta ku dunu ku
Koba ki fonti. Ami me, na
kamiñu di bai ku N staja sin."**